

SCRIPT OF EVENING GOJRI NEWS BULLETIN 15OCT 1700 HRS

ایونینگ گو جری نیوز بلیٹن مورخہ 15 اکتوبر 2025

یوہ آکا شوانی جموں ہے مشتاق حسین تے نصرت چوہدری تیں خبر سُنو۔

HEADLINES

- ۱۔ لیفٹیننٹ گورنر منوج سنہا نے ضلع کپواڑہ مانہہ دہشت گردی کا شکار خانداناں سنگ ملاقات کی تے دہشت گردی توں متاثر کوئی وی کاندان جموں کشمیر غا امن تے ترقی غا سفر مانہہ پچھے نی رے غو۔
- ۲۔ وزیر اعلیٰ عمر عبداللہ نے محکمہ کانکنی کی ایک جائیزہ میٹنگ کی صدارت کرتا واں غیر قانونی کانکنی کے خلاف سخت کارروائی کرن ور زور دتو۔
- ۳۔ وزیر تعلیم سکینہ اتو نے کہیو کہ حکومت جموں کشمیر کا لوکاں کی فلاح وبہبود واسطے انتھک کم کرن واسطے پُر عزم ہے۔
- ۴۔ بی جے پی نے نگرہ تے بڈگام اسمبلی نشست غا ضمنی انتخابات واسطے پارٹی امیدواراں کو اعلان کردتو ہے۔
- ۵۔ جموں یونیورسٹی نے آئندہ تہواراں نانہہ مدنظر رکھتا واں 20، 22 تے 23 اکتوبر نانہہ منعقدہ ہون آلا امتحانات ملتوی کردتا ہیں۔

LG TERROR VICTIMS

لیفٹیننٹ گورنر منوج سنہا نے اج ضلع کپواڑہ غا درد پورہ علاقہ گو دورو کی وتے اُت دہشت گردی توں متاثرہ خانداناں سنگ ملاقات کی انہاں نے عہدے داراں نانہہ کہیو کہ دہشت گردی غا شکار خانداناں کی بحالی واسطے خصوصی مہم کے تحت زیر التواء مقدمات نانہہ ویلے سر حل کریں انصاف تے مدد غا حکومتی عزم نانہہ دہراتا واں ایل جی موصوف نے کہیو کہ تقریباً 250 متاثرین نانہہ سرکاری ملازمت دتی گئی ہیں جن مانہہ مزید درخواستاں ور کارروائی کی جارہی ہے۔ انہاں نے مزید کہیو کہ سرحد پار توں ہون آلی گولہ باری مانہہ تباہ شدہ گھراں کی تعمیر نو رضاکار تنظیم کی مدد سنگ کی جائے گی انہاں نے پُر امن تے کود انحصار جموں کشمیر غا حکومت غا عزم دہراتا واں کہیو کہ بے گناہ متاثرین کی جانے کی اسے دوران ذرائع ابلاغ سنگ گل کرتا واں ایل جی موصوف نے اس طرح کہیو۔

LG MUSTAQBIL

لیفٹیننٹ گورنر منوج سنہا نے اج زنجیلا مانہہ نوجواناں نانہہ باختیار گامرکز روشن مستقبل گو دورو کیو جھڑو کہ واجر ڈویژن کی طرفوں چلايو جاریو تاکہ مقامی لوکاں مانہہ تعلیم بُتر تے زریعہ معاش مانہہ شامل کیو جاسکے اس مرکز مانہہ 690 تون زیادہ اراکین ہیں جہرا اپنا آپ تے معاشرہ واسطے بہتر مستقبل کی تعمیر کر رہیا ہیں ایل جی موصوف نے کہیو کہ مرکز نے بہت ہی کھٹ وقت مانہہ قابل ذکر کامیابی حاصل کی ہے تے مرکز غا تربیت یافتہ نوجواناں نانہہ مُلخ بھر مانہہ جگہ مل رہی ہے انہاں نے آمدنی پیدا کرن آلا سٹارٹ اپس خواتین کی ڈیجیٹل شمولیت تے قومی انضمام نانہہ مضبوط بنان ورزور دتو۔

CM MINING

وزیر اعلیٰ عمر عبداللہ نے اج کانکنی محکمہ کی ایک جائیزہ میٹنگ کی صدارت کی میٹنگ مانہہ تکنیک سنگ چلن آلی مشیناں گے ذریعے مائننگ گورننس مانہہ مضبوط بنان ور توجہ مرکوز کی گئی جن مانہہ انٹی گریٹڈ مائننگ سرویلن سیسٹم حقیقی وقت کی نگرانی تے جوابدہی شاملہیں وزیر اعلیٰ نے غیر قانونی کانکنی غے خلاف سخت کارروائی کی ہدایت کی تے کیوک رسپانس ٹیم تے ضلعی سطح ور قائم کنٹرول روم غے ذریعے نگرانی بدھان ور زور دتو انہاں نے جموں کشمیر کی معدنی معشیت ناہہ فروغ دین واسطے لیتھیم لیگنائٹ تے سپھائیر جیسا معدنیات غا ذخائر کی پائیداد تلاش ور وی زور دتو۔

ITOO WELFARE

وزیر تعلیم سکینہ اتو نے کہیو کہ عمر عبداللہ کی قیادت آلی حکومت نے گزشتی ایک سال مانہہ عوام کی امنگاں مانہہ پورو کرن واسطے بھرپور کوشش کی ہے حالانکہ یاہ حکومت کی کارکردگی مانہہ جانچن بہت کھٹ مدت سکینہ اتو نے یاہ گل خواتین گا سرکاری کالج ایم اے روڈ سرینگر مانہہ 75 سالہ شاندار تقریب مانہہ شرکت کرن توں بعد زرائع ابلاغ سنگ کی۔ انہاں نے مزید کہیو کہ مہاری حکومت جموں کشمیر گا لوکاں کی فلاح وبہبود واسطے انتھک کم کر رہی ہے اس موقع ور ذرائع ابلاغ سنگ گل کرتاواں سکینہ اتو نے اس طرح کہیو۔

APJ TRIBUTES

لیفٹیننٹ گورنر منوج سنہا نے سابق صدر بند ڈاکٹر اے پی جے عبدالکلام مانہہ اُن غی یوم پیدائش ور عاجزانہ خراج عقیدت پیش کیو ہے تے انہاں مانہہ سادگی سالمیت تے حکمت کی علامت گے طور ور یاد کیو ہے انہاں نے کہی و کہ ڈاکٹر کلام کی زندگی ایک مضبوط خود انحصار بھارت کی تعمیر واسطے وقف تھی وزیر اعلیٰ عمر عبداللہ نے وی ڈاکٹر کلام ناہہ یاد کیو تے کہیو کہ اُن کی قیادت عاجزی تے پائیداد میراث ناہہ عوامی صدر غا طور ور جانیو جائے تے اُن آلی نسلان مانہہ متاثر کرے۔

BJP BY POLLS CANDIDATES

بی جے پی نے نگروٹہ تے بڈگام اسمبلی حلقاں واسطے 11 نومبر مانہہ ہون آلا ضمنی چناؤ واسطے اپنا امیدواراں گو اعلان کردتو ہے بی جے پی نے نگروٹہ اسمبلی حلقہ توں دیویانی رانا مانہہ میدان واں اتاریو ہے واضع رے جے یاہ نشست ایم ایل اے دیوندرسنگھ رانا غا انتقال توں بعد خالی ہوئی تھی۔ اسے طرح بھارتی جنتا پارٹی نے بڈگام اسمبلی حلقہ تو آگا سید موبسن مانہہ مینڈیٹ دتو ہے یاہ سیٹ وزیر اعلیٰ عمر عبداللہ نے خالی کی تھی جنہاں نے گزشتی سال ہون آلا انتخابات واں گاندربل اسمبلی حلقہ مانہہ برقرار رکھیو تھو اسے دوران زرائع ابلاغ سنگ گل کرتا واں دیویانی رانا نے اس طرح کہیو۔

CS INTERNET COONNECTIVITY

چیف سیکرٹری اٹل ڈولو نے جموں کشمیر گا اُن علاقاں مانہہ جت موبائل تے انٹرنیٹ سہولت کھٹ ہے اُت رابطہ غی پیش رفت غو جائیزو لیو اعلیٰ سطحی میٹنگ غی

صدارت کرتا و ان اُنہاں نے حُکام نانہہ ہدایت دتی کہ یونیورسل سروس ابلِگیشن فند غے تحت جاری منصوباں غی باقاعدہ نگرانی کی جے تے اُنہاں نانہہ مقررہ مدت مانہہ مکمل کیو جے اُنہاں نے زور دتو کہ ڈیجیٹل شمولیت بہت ضروری ہے تے تمام سہولت دستیاب ہوسکے جناب ڈلو نے G محکمہ مل غے کم کریں تانجے ہر جگہ 4 کہیو کہ بہتر انٹرنٹ رابطہ ترقی بہتر حکمرانی دور دراز علاقاں مانہہ عوامی سہولیات واسطے نہایت اہم ہے۔

GST DIWALI

دیوالی غے نیڑے الیکٹرانگ آلات ور جی ایس ٹی نانہہ 28 فی صد تیں کھٹ کر غے 18 فی صد کردتو گیو ہے توقع ہے کہ اس ٹیکس کٹوتی توں تہواراں غا موسم مانہہ خرید و فروخت مانہہ اضافو وے گو جس سنگ لوکاں نانہہ بڑو متو فائدو وے گو تجارتی لوک بدھتی وی مانگ غا بارہ مانہہ پُر اُمید ہیں جد کہ خریدار اس راحت غو خیر مقدم کر رہیا ہیں۔

JU EXAM POSTPONED

جموں یونیورسٹی نے آن آلا تہواراں نانہہ مدنظر رکھتا و ان 20,22 تے 23 اکتوبر نانہہ ہون آلا تمام متعلقہ امتحانات ملتوی کردتا ہیں یونیورسٹی غا جانٹ رجسٹرار ڈاکٹر راج کمار کی طرفوں جاری کردہ ایک نوٹیفکیشن مانہہ یونیورسٹی نے کہیو ہے کہ ملتوی ہون آلا امتحانات کی تازہ تاریخاں گو اعلان بعد و ان کیو جائے گو اسے طرح طلباء نانہہ مشورودتو جائے کہ وے مزید جانکاری واسطے یونیورسٹی کی ویب سائٹ نانہہ باقاعدگی سنگ دیکھیں۔

UDH DIWALI

دیوالی تیں پہلاں گان گا گوہر تیں بنایا و ا، ماحول دوست دیا بنان غی ایک نوی پہل تیزی تیں لوکاں مانہہ معروف ہو رہی ہے۔ اس منصوبہ غے تحت خواتین دیا تیار کر رہی ہیں جس تیں روایت تے ماحول کی حفاظت دوان نانہہ فروغ لب رہی ہے اس قدم تیں خواتین نانہہ روزگار غا مواقع مل رہیا ہیں اُنہاں نانہہ باختیار بنایو جارہیو ہے تے یوہ آتم نربھر بھارت گا مقصد نانہہ اگے بدھا رہی ہے۔
